

Projek JPS punca tanah mendap?

Penduduk Taman Bersatu, Rawang bimbang

AMIRUL AIMAN ANUAR | 08 Disember 2016 12:46 AM

0 0 Google +0



PERGERAKAN struktur tanah di kediaman Taman Bersatu yang terletak bersebelahan dengan Sungai Rawang menimbulkan kegelisahan penduduk.

GOMBAK 7 Dis. - Hampir dua minggu kejadian tanah mendap berlaku di Taman Bersatu, Rawang di sini namun keselamatan kediaman belum terjamin.

Keluasan mendapan kira-kira 900 meter persegi sedalam 1.5 meter bersebelahan Sungai Rawang itu menyebabkan keretakan serta mengakibatkan dapur salah sebuah rumah runtuh.

Suri rumah, Ching Yoke Ya, 45, berkata, sewaktu kejadian pada 26 November lalu itu, dia sedang memasak nasi buat keluarga di dapur sebelum berasa gegaran luar biasa di belakang rumahnya.

Katanya, dia ketika itu sempat lari ke ruang tengah rumah sebelum ruang dapur serta bilik air rumahnya terpisah sepenuhnya.

“Walaupun kerugian mencecah lebih RM25,000, saya bersyukur keluarga selamat dan berharap pihak berwajib menyelesaikan masalah ini,” katanya yang kelihatan sugul.

Turut senasib, Nurhafizah Hanafiah, 39, yang menetap di kawasan itu sejak 21 tahun lalu dan menyatakan sebelum ini tiada sebarang pergerakan tanah berlaku.

Namun katanya, projek pengukuhan tebing sungai oleh Jabatan Pengairan dan Saliran (JPS) dipercayai menjadi punca masalah.

“Bunyi kedengaran seakan gempa bumi sebelum suami dan anak-anak lari keluar ke halaman rumah,” ujarnya.

Menurut Penolong Pengarah Jabatan Bomba dan Penyelamat Malaysia Selangor, Mohd. Sani Harul, lima daripada rumah terlibat berada di zon kritikal dan diarahkan berpindah.

Sementara itu, Pengarah Jabatan Korporat Majlis Perbandaran Selayang (MPS), Mohamad Zin Masoad berkata, empat dari enam keluarga telah menerima kunci kediaman sementara.

Katanya, Rumah Pangsa Kos Rendah, Rawang Perdana itu dikecualikan dari bayaran selama tiga bulan dan mangsa hanya perlu membayar bil utiliti.

- See more at: <http://www.utusan.com.my/berita/wilayah/selangor/projek-jps-punca-tanah-mendap-1.417533#sthash.SUCrVH1u.dpuf>